



Kristina Jozić, istražiteljica na specijalnom zadatku kao portparol

Nagrada mi je dobro obavljen posao, a ne plaća

Medijsko lice Državne agencije za istrage (SIPA) duže od dvije godine je Kristina Jozić. No, malo je poznato da je vršiteljica dužnosti portparola ove agencije zapravo policijska istražiteljica sa znatnim iskustvom u pravom policijskom poslu.

- U SIPA-i sam počela raditi u okviru prve klase kadeta SIPA-e još 2007. godine. U to vrijeme nije bilo mnogo policijskih službenica u Agenciji, a nas 10 žena, od ukupno 26 kadeta,

koliko je tada primljeno, sa mnogo entuzijazma započele smo radni odnos - kaže ona za "Avaz".

Prvih šest mjeseci provela je u operativnom dežurstvu, nakon čega je na vlastiti zahtjev prešla u "operativu", gdje je šest godina radila kao istražiteljica Kriminalističko-istražnog odjela.

- Policijski poziv nije samo posao nego trajno životno opredjeljenje da se čini dobro. Naučila sam da se najviša nagrada krije u do-

bro obavljenom policijskom zadatku, uspješno realiziranoj operativnoj akciji, a ne u plaći, i to mogu podnijeti samo oni koji su u policijskom pozivu prošli sebe - kaže Jozić.

Ona navodi da policijske službenice SIPA-e rade uz rame sa svojim muškim kolegama rade na naj-složenijim predmetima iz oblasti terorizma, organiziranog kriminala, finansijskog kriminala i korupcije teratnih zločina.

- Mi smo hrabre, jer poli-

cijska služba pretpostavlja hrabrost i požrtvovanje, jer policijski poziv znači odricanje. Nekada je bilo nezamislivo da žene rade sve te poslove, a njihov angažman u policijskim strukturama uglavnom se svodio na administrativne poslove - ističe Jozić, dodajući da je članica Udruženja „Mreža žena policajaca“, koje je zvanično registrirano početkom 2012. godine i okuplja policijske službenice iz 15 policijskih agencija u BiH.

M.Aš.



70
policijskih
službenika radi
u SIPA-i

13
posto policijskih
službenika u
SIPA-i su žene

Jozic: Mi
smo hrabre